

erwecken / wie der jenige Planeta, vnter welchen sie gehöret / Vnd  
gleich wie sieben vnterschiedene Planeten / vnd sieben vnterschiede-  
ne Thon (denn von den halben Thonen ist hie nichts gemeinet) in  
einer jeden octava gefunden werden. Also seind auch sieben Tage  
in der Wochen / vnd seind auch sieben buchstaben / mit welchen nicht  
allein die Tage in Calenderu / sondern auch die Stimmen in der  
Musica bezeichnet vnd allda Claves genennet werden / Als nemlich  
A. B. C. D. E. F. G. Solcher Mathematischer grund / der aus der  
rechten Natur / welche nicht anders seyn kan / vnd wil / als sie einmal  
von Gott geschaffen / genommen ist / weiset gar starck vnd vntwider-  
sprechlich / das Guido Aretinus der Münch / welcher aus vnbewacht-  
samkeit vnd vnderstand auch von den abmessung der stimmen zu-  
schreiben sich vnterstanden / vnd der alten Philosophen ihre mei-  
nung hiervon nicht recht eingenommen hat / so gröblich wider die  
Natur / vnd ihre verborgene Harmoniam pecciret vnd verstoßen  
habe / in dem er in seinem Monochordo nicht allein einen falschen  
anfang vnd applicirung der proportionen der Stimmen vorgege-  
ben / Sondern auch daß nicht mehr als sechs stimmen weren / die er  
mit diesen vngeschaffenen sechs syllaben V T, R R, M I, F A, S O L, L A,  
hat wollen genennet haben / gar gröblich gelehret hat. Da doch  
die Natur derselben siebene in sich begreiffet / vnd dieselben auch